



Republika Srbija
Grad Novi Pazar
SKUPŠTINA GRADA NOVOG PAZARA
Broj: 06-132/20
Dana 17. avgusta 2020. godine

ZAPISNIK
SA KONSTITUTIVNE SJEDNICE SKUPŠTINE GRADA
NOVOG PAZARA, ODRŽANE 17. AVGUSTA 2020. GODINE

Sjednica je počela u 10,00 sati u sali bioskopa – Kulturni centar, u ulici Stevana Nemanje br. 2. u Novom Pazaru.

Sekretar Skupštine grada iz prethodnog saziva Ahmedin Binjoš, na početku Konstitutivne sjednice je pozvao najstarijeg kandidata za odbornika Kasima Zoranića, da preuzme predsjedavanje sjednicom, kao i po jednog najmlađeg kandidata za odbornika sa dvije izborne liste koje su dobile najveći broj odborničkih mjesta, da pomažu predsjedavajućem u vođenju sjednice, i to Vahidina Melajca sa izborne liste „Evropski Novi Pazar - Rasim Ljajić“ i Edina Numanovića sa izborne liste „Akademik Muamer Zukorlić – Stranka pravde i pomirenja“, u skladu sa Zakonom i Poslovníkom. Kandidat za odbornika Edin Numanović je odbio poziv sekretara Skupštine grada iz prethodnog saziva da pomaže predsjedavajućem u vođenju sjednicom nakon čega je sekretar Skupštine iz prethodnog saziva pozvao najmlađeg kandidata za odbornika sa izborne liste „SDA Sandžaka - dr. Sulejman Ugljanin“ koja izborna lista je takođe odbila da delegira lice koje bi pomagalo u radu konstitutivne sjednice Skupštine grada. Nakon što su predstavnici izbornih lista „Akademik Muamer Zukorlić – Stranka pravde i pomirenja“ i „SDA Sandžaka - dr. Sulejman Ugljanin“ odbili da delegiraju predstavnika koji bi pomogao predsjedavajućem u vođenju sjednice, sekretar Skupštine grada iz prethodnog saziva je pozvao najmlađeg kandidata za odbornika sa izborne liste „Aleksandar Vučić, Ivica Dačić - za Našu decu“ Simonu Veselinović, da pomaže predsjedavajućem u vođenju sjednice.

Predsjedavajući Kasim Zoranić je otvorio sjednicu i pozvao prisutne da dovom i minutom ćutanja odaju poštu preminulim od COVIDA-19.

Prozivkom od strane sekretara Skupštine grada iz prethodnog saziva, utvrđeno je da sjednici prisustvuju sljedeći kandidati za mandat odbornika: Nihat Biševac, Senada Leković, Meho Mahmutović, Muamer Bačevac, Anela Šemsović, Muzafer Dragulovčanin, Banina Muderizović, Vahidin Melajac, Salmina Curić, Midhat Hudović, Sanja Nićiforović, Elvir Eminbegović, Binela Nikšić, Kasim Zoranić, Mirzeta Ljajić, Mirzet Bektović, Senada Mavrić, Irfan Međedović, Emira Kolašinac, Albin Šabotić, Nikola Jolović, Dejan Kulundžić, Igor Novović, Simona Veselinović, Silma Tutić, Bane Milosavljević, Edin Numanović, Edin Đerlek, Edin Zećirović, Jasmina Nikšić, Amela Lukač–Zoranić, Admir Muratović, Ferid Bulić, Sadika Džanković, Misala Pramenković, Sead Redžović, Rešad Ugljanin, Enis Imamović, Ahmedin

Škrijelj, Hanadi Hajdinović, Saima Brunčević, Fuad Bačićanin, Nafilj Sejdović, Emir Aščerić, Dinheta Pulić.

Sjednici prisustvuje i predsjednik Izborne komisije grada Novog Pazara Radoslav Milić.

Zapisnik vodila šef Odseka za skupštinske poslove Meliha Ozgenli.

Predsjedavajući Kasim Zoranić je konstatovao da sjednici prisustvuje 45 kandidata za odbornike Skupštine grada Novog Pazara.

Opravdano odsutni su kandidati za odbornike Alma Elfić i Jahja Fehratović.

Prije prelaska na usvajanje dnevnog reda, predsjedavajući Skupštine grada je istakao da je u skladu sa članom 109. Poslovnika Skupštine grada Novog Pazara, pristigao jedan prijedlog za dopunu dnevnog reda, i to:

1. Izbor Gradonačelnika, zamjenika Gradonačelnika i članova Gradskog vijeća grada Novog Pazara.

U nastavku sjednice je došlo do kršenja Poslovnika o radu na taj način što su kandidati za odbornike izlazili za govornicu reklamirajući povredu Poslovnika i predlagajući dopunske tačke dnevnog reda, bez da im je predsjedavajući dao reč.

Predsjedavajući je u više navrata upozoravao kandidate za odborike da poštuju Poslovnik o radu Skupštine grada Novog Pazara.

Predsjedavajući je stavio na glasanje prijedlog za dopunu dnevnog reda, izbor Gradonačelnika, zamjenika Gradonačelnika i članova Gradskog vijeća grada Novog Pazara.

Skupština grada je većinom glasova (26 glasova „za“, 5 „protiv“ i „uzdržanih“ nije bilo) usvojila prijedlog za dopunu dnevnog reda, izbor Gradonačelnika, zamjenika Gradonačelnika i članova Gradskog vijeća grada Novog Pazara.

Nakon glasanja o dopuni dnevnog reda, prešlo se na usvajanje dnevnog reda u celini.

Skupština grada je (26 glasova „za“, 1 „protiv“ i „uzdržanih“ nije bilo) usvojila dnevni red u cjelini.

DNEVNI RED:

1. Izvještaj Izborne komisije grada Novog Pazara o rezultatima sprovedenih izbora za odbornike Skupštine grada Novog Pazara;
2. Izbor Verifikacionog odbora;
3. Izvještaj Verifikacionog odbora i potvrđivanje mandata odbornika;
4. Izbor predsjednika Skupštine grada Novog Pazara;
5. Izbor zamjenika predsjednika Skupštine grada Novog Pazara;
6. Postavljenje sekretara Skupštine grada Novog Pazara;
7. Postavljenje zamenika sekretara Skupštine grada Novog Pazara;
8. Izbor Gradonačelnika, zamjenika Gradonačelnika i članova Gradskog vijeća grada Novog Pazara.

Zbog nemogućnosti da se održi red na sjednici, predsjedavajući Skupštinom grada Novog Pazara je odredio pauzu u trajanju od 30 minuta, kako bi se stvorili uslovi za nesmetan nastavak rada.

Predsjedavajući Skupštine grada je nakon pauze nastavio sjednicu u 11:35 časova a zatim pozvao sekretara Skupštine grada iz prethodnog saziva da prozove kandidate za odbornike radi utvrđivanja kvoruma za rad i odlučivanje.

Predsjedavajući je konstatovao da sjednici Skupštine grada, na osnovu izvještaja sekretara Skupštine iz prethodnog saziva, prisustvuje 41 kandidat za odbornika i da postoji kvorum za rad i odlučivanje.

Kandidat za odbornika Ahmedin Škrijelj je dao prijedlog da se 8. tačka usvojenog dnevnog reda, izbor Gradonačelnika, zamjenika Gradonačelnika i članova Gradskog vijeća grada Novog Pazara, povuče iz dnevnog reda za konstitutivnu sjednicu i odloži za narednu sjednicu Skupštine grada Novog Pazara.

Kandidat za odbornika Admir Muratović je reklamirao povredu člana 103. Poslovnika o radu Skupštine grada.

Predsjedavajući je stavio na glasanje prijedlog da se 8. tačka usvojenog dnevnog reda, izbor Gradonačelnika, zamjenika Gradonačelnika i članova Gradskog vijeća grada Novog Pazara, povuče iz dnevnog reda i odloži za narednu sjednicu Skupštine grada Novog Pazara.

Skupština grada je većinom glasova (44 glasa „za“, „protiv“ i „uzdržanih“ nije bilo) usvojila prijedlog da se 8. tačka dnevnog reda, izbor Gradonačelnika, zamjenika Gradonačelnika i članova Gradskog vijeća grada Novog Pazara, povuče iz dnevnog reda i odloži za narednu sjednicu Skupštine grada Novog Pazara.

Kandidat za odbornika Edin Zećirović je reklamirao povredu člana 43. Poslovnika o radu Skupština grada, nakon čega je naveo da želi da se o postojanju povrede poslovnika izjasne kandidati za odbornike.

Predsjedavajući je pozvao kandidate za odbornike da se izjasne o postojanju povrede člana 43. Poslovnika o radu Skupština grada.

Skupština grada se izjasnila (9 glasova „za“, 26 „protiv“ i „uzdržanih“ nije bilo) da nije postojala povreda člana 43. Poslovnika o radu Skupštine grada.

Prva tačka dnevnog reda: Izvještaj Izborne komisije grada Novog Pazara o rezultatima sprovedenih izbora za odbornike Skupštine grada Novog Pazara.

Predsjedavajući Kasim Zoranić je pozvao predsjednika Izborne komisije grada Novog Pazara Radoslava Milića da se obrati prisutnima.

Predsjednik izborne komisije grada Radoslav Milić je podnio izvještaj Izborne komisije grada Novog Pazara o rezultatima sprovedenih izbora za odbornike Skupštine grada Novog Pazara održanih 21. juna 2020. godine.

Predsjedavajući Kasim Zoranić je otvorio raspravu o podnetom izvještaju predsjednika Izborne komisije grada Novog Pazara.

U raspravi su učestvovali kandidati za odbornike Ahmedin Škrijelj, Admir Muratović, Edin Zećirović, Muamer Bačevac, Enis Imamović, Ferid Bulić, Nafilj Sejdović, Sead Redžović, Emir Aščerić, Muzafer Dragulovčanin i predsjednik Izborne komisije grada Novog Pazara Radoslav Milić.

Kako se više niko nije javio za reč predsjedavajući je stavio na glasanje izvještaj Izborne komisije grada Novog Pazara o rezultatima sprovedenih izbora za odbornike Skupštine grada Novog Pazara.

Skupština grada je većinom glasova (26 glasova „za“, „protiv“ i „uzdržanih“ nije bilo) usvojila izvještaj Izborne komisije grada Novog Pazara o rezultatima sprovedenih izbora za odbornike Skupštine grada Novog Pazara.

Druga tačka dnevnog reda: Izbor Verifikacionog odbora.

Predsjedavajući je, na osnovu prijedloga koje su predstavnici tri izborne liste koje su dobile najveći broj odboričkih mandata dostavili skupštinskoj službi, predložio sastav Verifikacionog odbora, i to:

- Senada Leković - „Evropski Novi Pazar – Rasim Ljajić“,
- Emir Aščerić - „SDA Sandžaka – dr. Sulejman Ugljanin“,
- Amela Zoranić - „Akademik Muamer Zukorlić – Stranka pravde i pomirenja“.

Kandidat za odbornika Emir Aščerić se javio za riječ i izjasnio da ne želi da učestvuje u radu Verifikacionog odbora obzirom da se nisu stekli uslovi za rad Skupštine grada.

Kandidat za odbornika Amela Lukač Zoranić se javila za riječ i izjasnila da ne želi da učestvuje u radu Verifikacionog odbora jer nisu ispunjeni formalno-pravni uslovi za to.

Predsjedavajući je, u skladu sa zakonom, predložio sljedeći sastav Verifikacionog odbora i to iz stranaka – koalicija stranaka koje su dobile najveći broj odborničkih mandata posle dvije izborne liste čiji su predstavnici odbili da učestvuju u radu Verifikacionog odbora i to:

- Senada Leković - „Evropski Novi Pazar – Rasim Ljajić“,
- Simona Veselinović - „Aleksandar Vučić, Ivica Dačić - za Našu decu“
- Salmina Curić - „Evropski Novi Pazar – Rasim Ljajić“ (stranka Sandžačka narodna partija).

Skupština grada je većinom glasova (25 glasova „za“, „protiv“ i „uzdržanih“ nije bilo) izabrala Verifikacioni odbor.

Odborom predsjedava najstariji član odbora Senada Leković.

Treća tačka dnevnog reda: Izvještaj Verifikacionog odbora i potvrđivanje mandata odbornika.

Verifikacioni odbor je na osnovu izvještaja Izborne komisije grada Novog Pazara o rezultatima sprovedenih izbora pristupio utvrđivanju da li su podaci iz uvjerenja o izboru svakog odbornika istovetni sa podacima iz izvještaja Izborne komisije grada Novog Pazara.

Kandidat za odbornika Ahmedin Škrijelj je reklamirao povredu člana 8. Poslovnika o radu Skupštine grada Novog Pazara, nakon čega je naveo da želi da se o postojanju povrede poslovnika izjasne kandidati za odbornike.

Predsjedavajući je pozvao kandidate za odbornike da se izjasne o postojanju povrede člana 8. Poslovnika o radu Skupštine grada.

Skupština grada se izjasnila (9 odbornika je glasalo „za“, „protiv“ i „uzdržanih“ nije bilo) da nije postojala povreda člana 8. Poslovnika o radu Skupštine grada.

Kandidat za odbornika Enis Imamović je reklamirao povredu člana 111. Poslovnika o radu Skupštine grada.

Predsjedavajuća Verifikacionim odborom Senada Leković je istakla:

Na osnovu člana 56. stav 5. Zakona o lokalnim izborima („Službeni glasnik RS“, broj 129/07, 34/10 i 54/11), Verifikacioni odbor, na osnovu upoređivanja Uvjerenja o izboru za odbornika i Izvještaja Izborne komisije grada Novog Pazara, na Konstitutivnoj sjednici Skupštine grada Novog Pazara, održanoj 17. avgusta 2020. godine podnosi sljedeći Izvještaj:

Verifikacioni odbor, izvršio je uvid u Uvjerenja o izboru za odbornike i Izvještaj Izborne komisije grada Novog Pazara o ukupnim rezultatima izbora za odbornike Skupštine grada Novog Pazara održanih 21. juna 2020. godine i utvrdio da su podaci iz Uverenja o izboru istovjetni sa podacima iz Izvještaja Izborne komisije grada Novog Pazara i da su uvjerenja izdata od ovlaštenog organa, pa predlaže potvrđivanje mandata sljedećim odbornicima:

Nihat Biševac, Senada Leković, Meho Mahmutović, Alma Elfić, Muamer Bačevac, Anela Šemsović, Muzafer Dragulovčanin, Banina Muderizović, Vahidin Melajac, Salmina Curić, Midhat Hudović, Sanja Nićiforović, Elvir Eminbegović, Binela Nikšić, Kasim Zoranić, Mirzeta Ljajić, Mirzet Bektović, Senada Mavrić, Irfan Međedović, Emira Kolašinac, Albin Šabotić, Nikola Jolović, Dejan Kulundžić, Igor Novović, Simona Veselinović, Silma Tutić, Bane Milosavljević, Edin Numanović, Edin Đerlek, Edin Zećirović, Jasmina Nikšić, Amela Lukač–Zoranić, Jahja Fehratović, Admir Muratović, Ferid Bulić, Sadika Džanković, Misala Pramenković, Sead Redžović, Rešad Ugljanin, Enis Imamović, Ahmedin Škrijelj, Hanadi Hajdinović, Saima Brunčević, Fuad Bačićanin, Nafilj Sejdović, Emir Aščerić i Dinheta Pulić.

Predsjedavajući je otvorio raspravu o podnijetom Izvještaju Verifikacionog odbora.

Učešće u raspravi su uzeli kandidati za odbornike Ahmedin Škrijelj i Admir Muratović.

Kako se više niko nije javio za riječ predsjedavajući Kasim Zoranić je stavio na glasanje potvrđivanje mandata odbornika u Skupštini grada Novog Pazara.

Skupština grada je većinom glasova (26 glasova „za“, „protiv“ i „uzdržanih“ nije bilo) potvrdila mandate odbornika u Skupštini grada Novog Pazara.

Predsjedavajući Kasim Zoranić je konstatovao da je Skupština grada većinom glasova potvrdila mandate novoizabranim odbornicima Skupštine grada Novog Pazara, u skladu sa izvještajem Verifikacionog odbora čime prestaju mandati odbornicima iz prethodnog saziva Skupštine u skladu sa članom 10. stav 8. Poslovnika o radu Skupštine grada Novog Pazara.

Odbornici kojima je mandat potvrđen polažu zakletvu potpisivanjem teksta koji im je dostavljen nakon potvrđivanja mandata.

Odbornik Enis Imamović se javio za reč i naglasio da u tekstu Zakletve koji odbornici moraju potpisati postoji tehnička greška te je predložio da se napravi pauza kako bi skupštinska služba ispravila grešku i dostavila odbornicima Skupštine grada ispravan tekst Zakletve.

Predsjedavajući je odredio pauzu u 14:40 sati, u trajanju od 15 minuta.

Predsjedavajući Skupštine grada je nakon pauze nastavio sjednicu u 14:55 sati a zatim pozvao sekretara Skupštine grada iz prethodnog saziva da prozove odbornike radi utvrđivanja kvoruma za rad i odlučivanje.

Predsjedavajući je konstatovao da sjednici Skupštine grada, na osnovu izvještaja sekretara Skupštine iz prethodnog saziva, prisustvuje 35 odbornika i da postoji kvorum za rad i odlučivanje.

Četvrta tačka dnevnog reda: Izbor predsjednika Skupštine grada Novog Pazara.

Predsjedavajući je pozvao odbornike da daju prijedlog za izbor predsjednika Skupštine grada Novog Pazara.

Odbornik Muamer Bačevac je podnio pisani prijedlog da se za predsjednika Skupštine grada Novog Pazara izabere dr Anela Halilović Šemsović. Prijedlog je potpisalo 25 odbornika.

Predsjedavajući je istakao da je dobio pisani prijedlog za izbor predsjednika Skupštine grada Novog Pazara kao i biografiju predloženog kandidata a zatim otvorio raspravu.

Učešće u raspravi su uzeli odbornici Admir Muratović i Ahmedin Škrijelj.

Predsjedavajući je pozvao dva odbornika i sekretara Skupštine iz prethodnog saziva, koji mu pomažu u radu, da utvrde ispunjenost uslova za tajno glasanje.

Utvrđeno je da je odštampano 47 glasačkih listića, koji su overeni pečatom „Skupštine grada Novog Pazara“.

Nakon toga se pristupilo tajnom glasanju za izbor predsjednika Skupštine grada Novog Pazara.

Predsjedavajući je podnio izvještaj Skupštini grada Novog Pazara i to: od 47 ovjerenih glasačkih listića, 26 glasačkih listića je upotrijebljeno, od toga:

- ZA je glasalo 26
- PROTIV nije bilo
- UZDRŽANIH nije bilo
- NEVAŽEĆIH glasačkih listića nije bilo.
- NEUPOTRIJEBLJENIH glasačkih listića je bilo 21.

Predsjedavajući je konstatovao da je dr Anela Halilović Šemsović (26 glasova „za“, „protiv“ i „uzdržanih“ nije bilo) izabrana za predsjednicu Skupštine grada Novog Pazara.

Predsjedavanje Skupštinom grada je preuzela predsjednica Skupštine grada dr Anela Halilović Šemsović.

Predsjednica Skupštine grada dr Anela Halilović Šemsović obratila se prisutnima i zahvalila na ukazanom povjerenju, čestitala svim odbornicima na izboru za odbornika Skupštine grada i poževela sreću u daljem radu i obavljanju važnih i odgovornih funkcija ovog organa.

Peta tačka dnevnog reda: Izbor zamjenika predsjednika Skupštine grada Novog Pazara.

Predsjednica Skupštine dr Anela Halilović Šemsović je pozvala odbornike da daju prijedloge za izbor zamjenika predsjednika Skupštine grada Novog Pazara.

Odbornik Muamer Bačevac je podnio pisani prijedlog da se za zamjenika predsjednika Skupštine grada izabere Albin Šabotić. Prijedlog je potpisalo 25 odbornika.

Predsjednica Skupštine je istakla da je dobila pisani prijedlog za izbor zamjenika predsjednika Skupštine grada kao i biografiju predloženog kandidata a zatim otvorila raspravu.

Učešće u raspravi su uzeli odbornici Admir Muratović, Jasmina Nikšić, Ahmedin Škrijelj, Edin Zećirović i Emir Aščerić.

Predsjednica Skupštine je pozvala dva odbornika i sekretara Skupštine iz prethodnog saziva, koji mu pomažu u radu, da utvrde ispunjenost uslova za tajno glasanje.

Utvrđeno je da je odštampano 47 glasačkih listića, koji su overeni pečatom „Skupštine grada Novog Pazara“.

Nakon toga se pristupilo tajnom glasanju za izbor zamjenika predsjednika Skupštine grada Novog Pazara.

Predsjedavajuća je podnijela izvještaj Skupštini grada Novog Pazara i to: od 47 overenih glasačkih listića, 26 glasačkih listića je upotrijebljeno, od toga:

- ZA je glasalo 26
 - PROTIV nije bilo
 - UZDRŽANIH nije bilo
 - NEVAŽEĆIH glasačkih listića nije bilo.
- NEUPOTRIJEBLJENIH glasačkih listića je bilo 21.

Predsjednica Skupštine grada dr Anela Halilović Šemsović je konstatovala da je Albin Šabotić (26 glasova „za“, „protiv“ i „uzdržanih“ nije bilo) izabran za zamjenika predsjednika Skupštine grada Novog Pazara.

Šesta tačka dnevnog reda: Postavljenje sekretara Skupštine grada Novog Pazara.

Predsjednica Skupštine grada, predložila je za sekretara Skupštine grada Ahmedina Binjoša, diplomiranog pravnika a zatim pročitala biografiju predloženog kandidata.

Predsjedavajuća je otvorila raspravu po navedenoj tački dnevnog reda.

Učešće u raspravi su uzeli odbornici Amela Lukač Zoranić, Enis Imamović, Ferid Bulić, Senada Leković, Edin Zećirović i Ahmedin Škrijelj.

Kako se više niko nije javio za riječ predsjednica Skupštine grada je stavila na glasanje prijedlog za postavljenje Ahmedina Binjoša za sekretara Skupštine grada Novog Pazara.

Skupština grada je većinom glasova (26 odbornika je glasalo „za“, 10 „uzdržanih“ i „protiv“ nije bilo) usvojila prijedlog da se za sekretara Skupštine grada Novog Pazara postavi Ahmedin Binjoš, diplomirani pravnik.

Predsjednica Skupštine je konstatovala da je za sekretara Skupštine grada postavljen Ahmedin Binjoš, diplomirani pravnik.

Sedma tačka dnevnog reda: Postavljenje zamjenika sekretara Skupštine grada Novog Pazara.

Predsjednica Skupštine grada, predložila je za zamjenika sekretara Skupštine grada Dimitrija Veselinovića, diplomiranog pravnika a zatim pročitala biografiju predloženog kandidata.

Predsjedavajuća je otvorila raspravu po navedenoj tački dnevnog reda.

Kako se niko nije javio za reč, predsjednica Skupštine grada je stavila na glasanje prijedlog za postavljenje Dimitrija Veselinovića za zamjenika sekretara Skupštine grada Novog Pazara.

Skupština grada je većinom glasova (26 odbornika je glasalo „za“, „protiv“ i „uzdržanih“ nije bilo) usvojila prijedlog da se za zamjenika sekretara Skupštine grada Novog Pazara postavi Dimitrije Veselinović, diplomirani pravnik.

Predsjednica Skupštine je konstatovala da je za zamjenika sekretara Skupštine grada Novog Pazara postavljen Dimitrije Veselinović, diplomirani pravnik.

Pošto je iscrpljen dnevni red konstitutivne sjednice, predsjednica Skupštine grada Novog Pazara je zaključila konstitutivnu sjednicu Skupštine grada Novog Pazara.

Sjednica je završena u 16,50 sati.

SEKRETAR SKUPŠTINE
Ahmedin Binjoš, dipl. pravnik

PREDSJEDNICA SKUPŠTINE
Dr. Anela Šemsović